

『東大寺要録』2 供養章第三所引「大安寺菩提傳來記」

大安寺菩提傳來記云

去天平五年<歲次癸酉>四月三日。遣唐大使多治比真人広成。副使大中臣朝臣名代等。並留學僧玄昉。經歷唐国三箇歲也。即同八年<歲次丙子>七月廿日。還歸聖崖。忽乘伴船南天竺婆羅門僧菩提。大唐僧**道璿**。瞻婆国僧此云林邑北天竺国仏哲等也。但菩提者。迦毗羅衛城人。遊化在慮。導物為心。妙入惣持。志存弘法。此沙門於天竺。祈願值遇文殊。忽然有化人。告曰。此菩薩居住震旦之五臺山。即欲尋詣彼山之北。北天竺仏哲。忽生到來也。此僧小学仏教。妙閑呪術神理標具頓悟方機。為求如意珠。浮船大海。以呪龍王。々々降伏呪力。持出伴玉。告曰。放汝手印。授与此玉矣。即順龍言歎願放手印。大風忽發。見吹寄南天竺矣。便婆羅門以為吾師。共涉流沙遙踏嶮路。向于大唐到五臺山。至心懇懃。祈遇聖王。歎有化人。夢中教曰。今回在那婆提者<此日本舊名也>。即聞夢教甚以歎息。扣頭徘徊之際。此国使者來到唐国。爰菩提開愁眉。使者隨順其詞。同乘此船俱共到來。沙門**道璿**。善達三藏。偏精律部。内外博通。導人不倦。共有遊化志。來着聖崖矣。即菩提等。看視此国山河清潔。甚以歎悅。爰行基菩薩。聞新客廻忽着撰津国。造香印卅口。盛花以浮難波海。此香印圍遶彼船自然迎來。是時莊嚴難波津。引率百衆僧以令迎伴客矣。爰菩提忽自船下。尋覓行基菩薩。於下劣顧起立。排覓衆中。自然携手即歌云。迦毗羅衛爾聞我來之日本乃文殊乃御顏今見鴨。菩薩答云靈山乃釋迦乃御前爾結天志真如不朽相見鴨。種々語言。語人不知。則入都之次。令過菅原寺。爾時有老者。名四大倭国看。此婆羅門之往昔童子也。先來生此国。齡及七十覓語無。時人名曰瘞者。此人聞忽得新客。進向菅原寺。向菩薩云。遠客經營若有何所乏耶。菩薩答曰。供物稍具。但無有音声。国看申云。己翁同欲奉仕此人。而翁天然清貧衣命乏少。何以可仕哉。時菩薩弟子甚以戲嘲。當于所期今畢。已到來。只引率妻子二人。是則十歲以下。彼飲食已畢。以著桐机。歌詠彼婆羅門所作之和歌。爰小兒等起以舞戲也。則菩薩與婆羅門菩提国看。涕淚悲泣猶尚矣。但集会道俗。各生微笑。未知事由。或含淚。皆聖與賢歎彼操行不可思議。即經一宿。以令住大安寺中院矣。時皇帝特貴操行。擢拜僧正矣。（下略）